



17167

kal komp.

I

Mag. St. Dr.

P

I.

Iustitiam Dux.


Scrobiszevi Tawbi: Ad Magnanimum  
Herodem Joannem de Zamouis Regni  
Cens. etc. ob victoriam Livonicam  
gratulationes.

PANEG. et VITAE

Polon. 4<sup>o</sup>

Æ 1219.







AD MAGNANIMVM  
HEROEM,  
IOANNEM  
DE ZAMOSCIO,  
REGNI CANCELLARIVM,  
ET EXERCITVVM DVCEM  
supremum,  
Ob victoriam Liuonicam  
GRATVLATIO.

*M. Jacobi Scrobiseui, in Academia  
Cracouiensi Professoris.*



CRACOVIAE,  
In officina Typographica LAZARL.  
1603.

307.

*Veritabili et pudenti viro M. Alberto Borowio Collegae Minori*



17167 I





# GRATVLATIO.



VLLVS EST ORDO & status regni huius inclyti, Ioannes Zamosci, nulla pars huius primariae urbis, quæ & solio principis, & multarum rerum præstantissimarum varietate, & dignitate nobilitata est, quæ vel effusa obuiâ tibi non gratuletur, vel priuatim nō gaudeat: quod victo & summo etiam nunc hoste potentissimo, arcibus & propugnaculis munitissimis receptis, Liuania recreata, magna spe ad summa excitata, maximis exantlatis & superatis difficultatibus, victor tandem ad Comitia Regni saluus & incolumis veneris. Nā cum omnis virtus vbicunq; est, in animis hominum sui excitet amores, ac propter suam præstantiam, in omni ordine digna veneratione, & admiratione sit; in iis tamen amabilior, admirabilior, & illustrior esse solet, quibus decus publicum curæ est, quiq; benè rem gerunt, bono publico, suaq; commoda post illius integritatem habent, &



cuius rei lubet periculum faciunt, dum quid patriæ ex eo incrementi & gloriæ accedat. Qui sit fueritq; semper tuus in Rēpub: animus, quæ in hanc merita, cū tot & tam eximiæ à multis annis pro illa susceptæ contentiones declarent; tantæ, & tam illustres superiorum temporum res gestæ confirmant; quæ ita eminent, vt prius defessi sint homines laudando facta tua, quàm tu laude digna faciendo: tum hoc tempore præclare in Liuonia nauata patriæ opera, ita temet cunctis visendum effecisti; vt non modò amplissimus senatus, non solum strenui Equites; sed omnes cuiuscunq; conditionis & status homines, te, tuamq; singularem virtutē, & eam, quæ tibi diuinitus, ad res benè gerendas, adiuncta est, felicitatem, suspiciant & prædicent: omnes victori aduentanti, & in hanc nobilissimam urbem ingredienti, quasi vno ore gratulantur: omnes voluntatem, studia, & grati animi significationem declarare gestiunt. In hac communi omnium lætitia, altrix quoque ingeniorum, tibi, tuoq; illustrissimo nomini, semper de-



per deuotissima vrbis istius Academia, tua causa, vt debet, lætatur: tibi magnifice rebus gestis aduentum gratulatur; immortalique Deo gratias agit meritò maximas, quòd vota pro victoria & salute tua suscepta secundârît. Grauis hostis, nec indieta causa, nec iniuria laceffit vlla, in Liuoniam inuaserat: alienam prouinciam miserè vexabat: loca sacra, profana habebat: sacerdotes, vsque ad mortem multabat: exitum & internecionem minitans, in ipsis visceribus Regni, nemine sese opponente, securus hærebat: terror omnia implebat. Sed postquam te summa voluntate, & egregia animi alacritate, in hostem hunc ire certus percrebuit rumor; spem subito omnes bonam concepimus, fore; vt Dei auxilio, tuaque virtute, aut opprimatur hostis, aut eius omnes motus, conatusq; prohibeantur: atque ea spe animati, suscipiebamus vota, non minori alacritate, quàm omnium ordinum vndique effusa multitudo illa, quæ votis, precibus, & laudibus profecuta olim est Romanum exercitum, euntem contra Asdrubalem,



# GRATVLATIO.

Annibalis fratrem, celeberrimi nominis alterum post duodecimum calamitatis annum, in Italiam acceptum ducem. Magna profectò expectatione, magno fauore hominum hoc iter tuum celebratum est: audiebantur passim voces: I bone Imperator, i bone miles, præsidia Reipub. vindices religionis, & Regni, in vestris, post Deum, armis dextrisq; nostrum omnium salus, & decus reposita: Deum precamur, vt vobis faustum iter, felix pugna, matura ex hostibus victoria sit: damnemur votorum, quæ pro vobis suscepimus; vt quemadmodum nunc solliciti votis vos prosequimur, ita post læti ouantibus victoria obuiam eamus. Atq; hæc quidē maxima & omniū communis ex tuo felici Cra-couiam aduentu exultatio est, quoniam conceptæ spei respondit euentus, victus hostis, & fugatus, in magnam læticiam ex magno metu res vertit: victore exercitu, saluo Imperatore & re-duce, omnes votis potiti sunt. At illa quasi propria ex tuo in hanc vrbem ingressu Academiæ lætitia oborta, quod cū dignitas tua, quam maximis



maximis in Rempub: meritis, præstantissimisq;  
rebus gestis consecutus es, in excelso sit: in o-  
mnes partes Reipub: cogitationes mentis tuæ  
ita dirigis, vt nullam deferas: quod iis qui alti-  
ori, ac illustriori loco sunt cæteris, propositum  
esse debet: Academiam quoq; Cracouiensem,  
pro tuo illustri in virtutes & literas amore, nū-  
quam ornare, tueri, & promouere destitisti.

Celebratur omnium vocibus bellica virtus tua,  
ac illius per omnes gentes fama volitat, nec vlla  
vnquam obliuio auferet labores & pericula,  
quæ tu pro patria tolerasti, & repulisti Dei auxi-  
lio, & virtute tua: nullo æuo rerū à te domi mi-  
litiæq; gestarum gloria concidet. Quoties la-  
bantem rem patriæ in integrū restitueris, quo-  
ties à patriæ ceruicibus hostem summoueris,  
quoties ingentes hostium copias parua manu  
fuderis, pacem Regno, gloriam, & incremen-  
tum attuleris: non est ingenium, quod hæc ver-  
bis exæquare possit. tum hoc tempore, quan-  
tus cumulus accessit tuorum erga Rēpub: meri-  
torum quis efferet? Bello Moldauico felicissi-

mè



me confecto, vix ad respirandū sumpto spatio, ardente iam in Liuonia bello, ingrauescēte hac ætate, quæ plerisq; per se grauis esse solet, aduerso anni tempore, nouum celeriter bellum Imperator apparasti: procul ab domo, pro salute patriæ gerendū duxisti: hyemem asperā in castris egisti, iuxta hyeme atq; æstate te bella gerere, & vincere posse docuisti: aggeres & fossas duccendo, & alium oppugnandarum vrbiū, & arcium apparatus promovendo, quantum exhaustum laboris? Neq; tamen aut hyemis asperitate, aut tædio arduæ oppugnationis victus; non dilatis auxiliis, non fame, non multis aduersis irritatus, occasionē rei benè gerendæ posuisti; sed instare, perseuerare, defungiq; cura pertinaciter perstitisti. hoste fugato, arcibus & propugnaculis munitionibus, & naturali situ inexpugnabilibus expugnatis, nō prius abscedendū duxisti; quàm magnis cladibus multisq; calamitatibus afflictam Liuoniam releuares. Illustris hic tuus in patriam amor, factumq; præstantissimum, perpetua vigebit memoria; sed &  
omnis



omnis simul admirabitur posteritas cōsilia tua, à magno profecta ingenio ( neq; enim paruum ingenium res tantas attigisset ) quod quidem tu doctrina ita excoluisti; vt multis periculis, magnisq; negotiis primus nostris hominibus declararis, ingenium bonis artibus instructū, in bello plurimum posse. Habent enim hoc profectò bonæ artes, quod præter subsidia ac ornamenta, quæ pacem agitantibus præstant, præter ea, quòd aliorum præclarè facta celebrent, & immortalitati consecrent, rem quoque militarem, mirificè & ornant & adiuuant. Nam non tutò ei capita omnium & fortunas commiseris; cui omnia alieno consilio, & alienis oculis agenda sunt. Quomodo enim oblata casu sine consilio, in consiliū vertet? quomodo ad incertos euentus hinc atq; hinc obliqua transferet vela, sine multarum rerum vsu, aut peritia? quomodo benignitate, & clementia temperabit imperiū, qui duros mores non emolliuerit artibus? quomodo lætum spectabit exitum, fera mens? Magnum Imperatorem Roma



vidit C. Marium : in quo etiã spes & opes tempore suo posuerat, quod & antè prospexerat, & prædixerat, Numantiam obsidens prudentissimus Imperator, & innocentissimus vir Scipio : qui in cæna de ducibus oborto aliquando sermone, interroganti cuidam, quemnam ipso defuncto similem esset ducem populus Romanus habiturus ? Marij humerum leuiter percutiens, hunc fortasse, respondit. hic tamen magnorum virorum iudicio, quod nunquam Musis & Gratiis sacrificasset, in iram, ambitionē intempestiuam, cupiditatem immoderatā prolapsus, crudelitate ad extremū, res à se bello paceq; gestas egregiè, cōtaminauit. Quare gaude tuo isto tam excellenti bono, Ioannes Zamosci, & fruire cū fortuna & gloria, tum etiam natura & moribus tuis, Patriam, bonas literas, sedes literarum, ac domicilia, tum verò Academiam Cracouiensem, vt quidem facis, tuere, & promoue. Hæc à magnis olim regibus condita, exiguo prouentu magnis libertatibus aucta, tanquam sol venustè exoriens, non modò regno huic, sed toti prope modum



modum Septemptrioni pulcherrimè & felicissimè illuxit. Longum esset percensere, quot & quāti exGymnasio hoc prodierint viri, quā multi fortissimi, & cōstātissimi Senatores, quā innumeri elegāter instituti & eruditi Equites, quā tus doctissimorū & optimorū virorū ordo; qui vita præclarè acta, & literarū monumentis, non modò domi profuerunt; sed exteris etiam Patriam nostram antè ignotam, cognitam, & illustrem reddiderunt. Illud præterire non possum, hac excitata, religionem Christianam demum hic radicatam, barbariem fugatam, Regnum hoc ad eam elegantiam & amplitudinē, quam nunc videmus, traductum; ideò meritò principibus, & maximis quibusque viris, semper fuit charissima. Compertum quippè, omnia regna, ciuitates, nationes, vsque eò prosperum Imperium habuisse; dum apud eos vera consilia, benè constitutæ leges, atque optima studia valuerunt. Te igitur heros Illustrissime, decus & præsidium Patriæ, hostium terrorem, multarum gentium domitorem, pacis & tranquillitatis pu-



tis publicæ autorem , virtutum & bonarum  
 literarum promotorem , Academia Cracoui-  
 ensis, quæ & ipsa nunc ob tuum felicem in hanc  
 urbem, benè & magnificè rebus gestis, ingres-  
 sum mirificè lætatur, & quæcunq; ages, vt ea ti-  
 bi Rei q; pub: in omne tempus prosperè cueni-  
 ant, precatur, orat, obsecratq;: vt quam in pa-  
 trocinium suscepisti, semper tueare, gratissimæ  
 facturus gratiam : quippe cui nulla res tam erit  
 proposita, quàm vt quotidie vehemen-  
 tiùs te de illa optimè meritum  
 esse latere,





Biblioteka Jagiellońska



stdr0011369



